



Inatsisartunut Ilaasortaq Per Rosing-Petersen, Partii Naleraq  
/MAANI

**INDGÅET**

**20 JULI 2015**

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT

**Kilisaatit inuttaqarnissaannut malittarisassat akuersissutillu pillugit § 37 naapertorlugu apeqqummut 163/2015-imut akissutit**

Inatsisartut suleriaasianni § 37, imm. 1 naapertorlugu kilisaatit inuttaqarnissaannut malittarisassat akuersissutillu pillugit apeqquqaatit:

**Apeqqutit:**

1. Immikkut kilisaatini inuttaqarnek pillugu akuersissummik Royal Greenlandip angallataannut Tuneq aamma Tasiilamut 2015-imi tunniussisoqarpa?
2. Sooruna Royal Greenlandip kilisaatit taakkoqqissaat Nunatsinneersunik inuttaqartinniarneri ajornartorsiutigigaa?
3. Royal Greenlandip inuttaqarniarnermut nalunaarut naammassisinnaangippagu qanormita kinguneqartitsisoqassava?

**Akissutit:**

**1-mut)**

Ilumoorpoq Kalaallit aalisariutaanni inuttalersuisarneq pillugu Namminersorlutik Oqartussat nalunaarutaanni nr. 13, 17. november 2011-imeersumi § 2, imm. 1 aamma § 3, imm. 1 naapertorlugit ikerinnarsiortunik aalisarnermut atatillugu Royal Greenland Pelagic 2015-imut immikkut akuersissummik qinnuteqarsimanera.

Ullumikkumulli 2015-imi aalisarnissamut atatillugu nalunaarummit immikkut akuersissuteqartoqarsimanngilaq.

**2-mut)**

Tassunga atatillugu ilisimatitsissutigineqassaaq, 2014-imi ikerinnarsiortunik aalisarnermut atatillugu katillugit suliffeqarfiit pingasut immikkut akuersissutininik assingusunik qinnuteqarmata. 2014-imi qinnuteqartut ilinniartitsinissamut pilersaarummik siumoortumik takutitsisinnaasut immikkut akuersissummik tunineqarput, tassa inuttat ilinniartinnissaannut qanoq qulakkeerinninnissamik takutitsisunut. Qinnuteqartut marluk ilinniartitsinissamut pilersaarutitik nassiuppaat. Taamaalillutik qinnuteqartut marluk immikkut akuersissummik tunineqarput.

Ikerinnarsiortunik aalisarnermut atatillugu Kalaallit aalisariutaanni inuttalersuisarneq pillugu Namminersorlutik Oqartussat nalunaarutaanni nr. 13, 17. november 2011-imeersumi § 2, imm. 1 aamma § 3, imm. 1 naapertorlugit Royal Greenland Pelagic-ip sooq immikkut akuersissummik qinnuteqarsimanerminut nammineq ukua tunngavilersuutigai: Siullermik aalisariutit nutaat inuttassaannik nassaarniarneq ajornarnerusoq, tassa aalisariutit taakku atortumikkut aalisariutinit nunatsinni nalinginnaasumik ilisimasatsinnit immikkut ingerlataqarnissamut sanaajummata. Aappaattut ikerinnarsiortuni aalisarnermik misilittagaqarneq piginnaasaqarnissamut kisiat piumasaqaatigissallugu

naammangimmat. Ingerlatseqatigiiffik 2014-imi aalisariutini nunaqavissunik 92-inik inuttaqarsimavoq. Taakkua 1/3-ii aalisariummi sulinissaminnut soqutiginnillutillu piumasuseqarput, 2/3-iilu pissutsit assigiinngitsut patsisigalugit piukkunnaateqaratik sulinissaminnut piareersimanginneri peqqutaanerullutik. Pingajuattut ingerlatseqatigiiffiit ikerinnarsiorluni aalisarnermik ingerlataqartut unammilleqatigiinneq eqqarsaatigalugu ajornartorsiuteqarput ukioq naallugu suliffissamik qulakkeerisinnaaneq ajoramik.

**3-mut)**

Inuttaqarnissamut malittarisassanik unioqqutitsineq akiliitsinermik pineqaatissiissutaa-sinnaavoq. Tassa pineqartut malittarisassanik unioqqutitsisut unioqqutitsinerminnut akiliisinneqarsinnaapput.

Inussiarnersumik Inuulluaqqusillunga

Karl-Kristian Kruse